



pravosudna mreža  
BOSNE I HERCEGOVINE  
правосудна мрежа  
БОСНЕ И ХЕРЦЕГОВИНЕ  
justice network  
OF BOSNIA AND HERZEGOVINA



forum građana tuzle



Helsinški odbor za ljudska prava  
u Republici Srpskoj

# NEWSLETTER BILTEN

*Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.*

| Broj 25. |

## NOVOSTI

### Nastavak podrške Evropske unije procesuiranju predmeta ratnih zločina u Bosni i Hercegovini

20.12.2016. je potpisan ugovor o finansiranju aktivnosti tužilaštava i sudova u Bosni i Hercegovini na rješavanju predmeta ratnih zločina između Delegacije Evropske unije u BiH i Ministarstva finansija i trezora BiH. Potpisivanjem ovog ugovora vrijednog 7,438,000 eura osigurana je podrška procesuiranju predmeta ratnih zločina u 15 tužilaštava i 8 sudova u periodu od marta 2016. godine do februara 2019. godine.

Ovaj događaj obilježava početak implementacije projekta „Unapređenje rada na predmetima ratnih zločina u BiH“ - IPA 2013, koji predstavlja nastavak podrške procesuiranju predmeta ratnih zločina u BiH u okviru paketa pomoći IPA 2012/2013 u ukupnom iznosu od 14,8 miliona eura namijenjenih finansiranju plata sudija, tužilaca i dodatnog osoblja koji rade na rješavanju predmeta ratnih zločina u nadležnim sudovima i tužilaštvima u BiH, kao i za materijalne troškove ovih pravosudnih institucija nastalih pri procesuiranju ratnih zločina.

Sveukupni cilj ove podrške je smanjenje broja predmeta ratnih zločina s poznatim osumnjičenim/a u tužilaštvima (tzv. KTRZ predmeta) za 50% u periodu od pet godina.

Nadzorno tijelo za praćenje provođenja Državne strategije za rad na predmetima ratnih zločina (Nadzorno tijelo) je konstatovalo da je provedbom projektnih aktivnosti ostvareno smanjenje broja predmeta ratnih zločina u tužilaštvima (KTRZ) za 15% ostvaren do sredine 2015. godine, čime je ispunjen postavljeni cilj za prvu fazu ovog projekta. Zaključno sa julom 2016. godine, ukupan broj neriješenih predmeta ratnih zločina je smanjen za 23,4%.

Projektom IPA 2013 Evropska unija dokazuje svoje opredjeljenje za dalje pružanje podrške pravosuđu Bosne i Hercegovine u efikasnijem procesuiranju predmeta ratnih zločina, izražavajući uvjerenje u nastavak pozitivnih rezultata ostvarenih tokom projekta IPA 2012 i njegovog doprinosa ostvarivanju ciljeva predviđenih Državnom strategijom za rad na predmetima ratnih zločina u Bosni i Hercegovini. Preuzeto sa <http://vsts.pravosudje.ba>



CENTRI CIVILNIH INICIJATIVA  
ЦЕНТРИ ЦИВИЛНИХ ИНИЦИЈАТИВА



Centar za promociju civilnog društva



USAID  
FROM THE AMERICAN PEOPLE

## Intenzivnija saradnja VSTV BiH i civilnog sektora

27.12.2016. je u Sarajevu održan okrugli stol na temu „Saradnja pravosuđa i organizacija civilnog društva“ kojeg je organizovao Projekat VSTV Jačanje tužilačkih kapaciteta u sistemu krivičnog pravosuđa. Ovom prilikom je okvirno predstavljen Nacrt Strategije za postupanje sa osobama koje dolaze u kontakt sa tužilaštvima - strateški dokument koji podrazumijeva i intenzivniju ulogu organizacija civilnog društva u radu tužilaštava. Učesnici su također imali priliku upoznati se sa projektom VSTV BiH Unapređenje efikasnosti sudova i odgovornosti sudija i tužilaca u BiH – druga faza koji će podrazumijevati i saradnju sa NVO sektorom, te sa mogućnostima korištenja statističkih podataka VSTV BiH relevantnim za njihov rad. Prisutni predstavnici Organizacija civilnog društva dali su podršku inicijativi VSTV BiH i izrazili spremnost za saradnju u implementaciji Strategije za postupanje sa osobama koje dolaze u kontakt sa tužilaštvima, nakon njenog usvajanja, te su razmatrali modalitete eventualne saradnje. VSTV BiH će, putem navedenog Projekta i u saradnji sa donatorima, adekvatnim grantovima, putem javnog poziva podržati aktivnosti organizacija civilnog društva u segmentu rada tužilaštava. Preuzeto sa <http://vsts.pravosudje.ba/>

## Zaključci VSTV-a BiH povodom najavljene parlamentarne rasprave o reformi pravosudnog sistema

Zaključci VSTV-a BiH povodom najavljene parlamentarne rasprave o reformi pravosudnog sistema usvojeni povodom izjava pojedinih političkih aktera u odnosu na VSTV BiH

Visoko sudsko i tužilačko vijeće Bosne i Hercegovine (VSTV BiH) je, tokom sjednice koja se održava 12. januara 2017. godine u Sarajevu, povodom najavljene parlamentarne rasprave o reformi pravosudnog sistema, a u kontekstu izjava pojedinih političkih aktera u odnosu na VSTV BiH, usvojilo sljedeće zaključke:

VSTV BiH podsjeća sve političke aktere u Bosni i Hercegovini te nosioce izvršne i zakonodavne vlasti da, prilikom svake rasprave o reformi pravosuđa, imaju u vidu potrebu očuvanja demokratskog principa podjele vlasti i nezavisnog pravosuđa na čelu sa VSTV-om BiH kao jedinog garanta nezavisnog pravosuđa u BiH.

VSTV BiH podsjeća da je jedinstven stav VSTV-a BiH, pravosudne zajednice i svih drugih domaćih i međunarodnih relevantnih faktora koji su učestvovali na Konferenciji o stanju i perspektivama u pravosuđu, održanoj u decembru 2016. godine u Mostaru, da bi u ovom trenutku otvaranje pitanja sastava i izbora članova VSTV-a BiH te njegove nadležnosti, na način kako se to sada predlaže od strane političkih faktora, moglo dovesti u pitanje temelje nezavisnosti pravosuđa u BiH, te da do obezbjeđenja ustavnih garancija nezavisnosti pravosuđa i VSTV-a BiH, Zakon o VSTV-u BiH u dijelu sastava i nadležnosti te izbora članova VSTV-a BiH ne bi trebalo mijenjati.

Preuzeto sa <http://vsts.pravosudje.ba/>

